

Concreción sobre os criterios de promoción e titulación no centro EPAPU Río Lérez.

Aprobado na reunión do claustro do 6 de abril do 2022.

Promoción e titulación no bacharelato:

Promoción

1. O alumnado de bacharelato para persoas adultas, poderá matricularse por materias soltas cos límites establecidos pola circular correspondente. Así pois o alumnado de segundo curso con materias pendentes deberá matricularse delas e cursalas ao longo do curso. Excepcionalmente para estes alumnos e alumnas haberá unha convocatoria no mes de abril co fin de poder presentarse as probas Abau. Cada docente de cada materia poderá establecer a metodoloxía mais aseitada conforme a súa programación didáctica para a avaliación desta convocatoria.

2. A superación das materias de segundo curso que se indican no anexo VI do Decreto 86/2015, do 25 de xuño, estará condicionada á superación das correspondentes materias de primeiro curso indicadas no devandito anexo, por implicar continuidade.

Non obstante, o alumnado poderá matricularse de materias troncais de opción ou específicas de segundo curso sen cursar a correspondente materia de primeiro curso, sempre que o profesorado que a imparta considere que a alumna ou o alumno reúne as condicións necesarias para poder seguir con aproveitamento a materia de segundo, do que deberá deixar constancia documental. En caso contrario deberá cursar a materia de primeiro curso, que terá a consideración de materia pendente.

Titulación

Establécense os criterios establecidos no artigo 17 da orde do 25 de xaneiro de 2022 da avaliación, da seguinte maneira:

Artigo 17. Obtención do título de bacharel polo réxime de persoas adultas

1. As alumnas e os alumnos que cursen o bacharelato polo réxime para persoas adultas obterán o título sempre que obtivesen avaliación positiva en todas as materias dos dous cursos de bacharelato, ou en todas as materias **agás unha**. Neste último caso, deberanse reunir as condicións seguintes:

a) Que o equipo docente considere que a alumna ou o alumno alcanzou as competencias e os obxectivos vinculados a ese título.

b) Que non se produciu un abandono da materia por parte da alumna ou do alumno. o noso centros considerarase que houbo abandono se a alumna ou alumno ten perda do dereito de avaliación continua na materia.

c) Que a alumna ou o alumno se presentou a todas as probas e realizou todas as actividades necesarias para a súa avaliación, incluídas as da convocatoria extraordinaria.

d) Que a media aritmética das cualificacións obtidas en todas as materias da etapa sexa igual ou superior a cinco.

Promoción e titulación na ESA:

Promoción

Acordase que non haxa a posibilidade de promocionar a un/unha alumno/a tanto no presencial como no semipresencial. O alumnado con ámbitos de módulos inferiores suspensos poderá matricularse deles no seguinte curso ou no seguinte cuadrimestre segundo corresponda.

Titulación

Presencial e semipresencial:

- Titulación: poderá obter o Título de Graduado na Educación Secundaria Obrigatoria, o alumnado que teña todos os ámbitos do módulo IV aprobados ou aqueles/as alumnos/as cun ámbito suspenso, se acadou unha nota igual ou superior a 3 e se a nota media dos tres ámbitos do módulo IV é superior a cinco, ademais o/a alumno/a ten que estar matriculado/a en tres ámbitos cursando o módulo IV.

As decisións tomaranse no seo da xunta avaliadora sendo necesaria unha maioría de 2/3 para súa aprobación. A efectos do cómputo de votos na ESA considerarase que cada ámbito ten un voto e no bacharelato un voto por cada materia na que o/a alumno/a estea matriculado.

Criterios xerais do outorgamento de matrículas de honra, de ser o caso.

Na ESA:

Non se contempla a matrícula de honra nesta etapa.

No bacharelato:

Artigo 18. *Matrícula de honra*

1. O alumnado que, logo da avaliación final ordinaria do segundo curso, obtivese unha nota media do segundo curso igual ou superior a nove puntos poderá recibir a mención de matrícula de honra. A devandita mención poderá concederse, como máximo, a un número de alumnas ou alumnos igual ao enteiro máis próximo ao 5 % do total de alumnado matriculado no centro docente no segundo curso.

En todo caso, cando no centro docente o total de alumnado matriculado no segundo curso de bacharelato sexa inferior a vinte, poderá concederse unha distinción de matrícula de honra.

2. A obtención da mención de matrícula de honra será consignada nos documentos de avaliación da alumna ou do alumno.

3. Se establece como criterios para romper posibles situacións de empate:

1.- Nota máis alta na media de todo o bacharelato.

2.- A primeira letra do apelido segundo o sorteo realizado pola Consellería para o criterio de admisión do alumnado.